

DE VULNERUM HÆMORRHAGIIS

T H E S E S

ANATOMICO - CHIRURGICÆ.

*Quas, DEO JUVANTE, & Præside M. RAPHAELE-
BENEVENTO SABATIER, Artium Liberalium &
Chirurgiæ Magistro, tueri conabitur JOANNES-BAPTISTA HO-
NORATUS BOURGAREL, Carnotensis, Liberalium Artium Magister.* De charles.

P A R I S I I S,

IN REGIIS CHIRURGORUM SCHOLIS

*Die Sabbati 15^a Novembris, anno salutis 1755. à sesqui-secundâ post
meridiem ad septimam.*


PRO ACTU PUBLICO
ET SOLEMNI COOPTATIONE.



Typis DELAGUETTE, Collegii & Academia Regiæ Chirurg. Typo-
graphi, viâ San-Jacobæâ, sub signo Olivæ.



1853



ILLUSTRISSIMO
AUGUSTISSIMI GALLIARUM SENATUS
PRINCIPI

Offert, vouet & consecrat JOANNES-BAPTISTA-HONORATUS BOURGAREL, Chirurgiæ Studiosus.

DE VULNERUM HÆMORRHAGIIS
THESES
ANATOMICO-CHIRURGICÆ.



UM vulnus sit soluta cohæsiō (a) recens, à corpore duro, presso, moto vel resistente, cujus subjectum pars mollis, adeoque textura vasorum omnis generis ac præcipuè sanguiferorum, & causa cohærentis separationem, contentique liquidi effusionem supponit, Hæmorrhagiam, seu sanguinis è propriis vasis effluxum vulnera sæpiùs

(a) Boërrhave, Aphorism. 145. 146. 147.

4

concomitari, nemini mirum videbitur. Hæmorrhagia verò quibuslibet promiscuè vulneribus non succedit, eaque major vel minor esse solet, pro vulneris ipsius ratione, diversâque vasorum discissorum naturâ. Nam 1°. in ambustionibus vulneribusque contusis, aut sclopeto inflictis, sanguinis profluvium primis temporibus rariùs observatur. 2°. In vulneribus majoribus cordique propinquis hæmorrhagia major est, & vice versâ. 3°. tandem sanguis è vasis majoribus aut arteriosis, impetu & copiâ majore, quàm è minoribus aut venosis, erumpit. Nec mirum; sanguinis enim è vasis effluxus proportionalis esse debet discissorum vasorum numero, magnitudini, nec-non velocitati quâ intra eadem vasa integra agebatur. Porro sanguinis velocitas major est vel minor pro diversâ vasorum naturâ, diversis illorum à corde distantis. &c. uti sequentibus ex Anatomia præsertim desumptis demonstratur.

SANGUIS duplici vasorum genere continetur: hæc arteriosa; illa venosa sunt. Arteriosis à corde, veluti circulationis centro, sanguis ad minutissimas corporis partes deferitur, venosisque ad cor reducit in arterias iterum propellendus. Motus ille circulatorius appellatur. Arteriæ canales sunt conoidei (b), ramosi & in omnem sensum inflexi: constant autem pluribus membranarum sibi invicem superpositis, quarum extrema (c) tenuis, cellularis & nervea multiplici, vasorum sanguiferorum, nervosorum & adiposorum serie conflatur. Huic altera succedit, quam glandulis perexiguas & albicantibus repletam esse dicunt. Tertio deinde muscularis occurrit tunica, cæteris crassior, & fibris transversis seu annularibus densissimè accumulatis contexta. Quarta tandem ac interior arteriarum tunica, tenuis & nerveo-membranacea deprehenditur, ac fibrillas habet in longum dispositas, quibus fibræ musculares decussantur. Venæ canales quoque sunt conoidei (d), membranacei, plurimâ valvularum copiâ instructi, ac eò (e) capaciores quò propius cordi approximantur. Structuram ab arteriarum compage parùm diversam sibi vindicant: quatuor enim constant membranarum quarum externa nervea est, secunda glandulosa,

(b) Arteria quælibet eò magis decrescit, quò à corde recedit longius, & inde est cur arteriæ conoideam figuram præ se ferre dicantur, cujus basis cordi propior est, & apex à corde remotior.

(c) Vide Thomæ Willis arteriæ descriptionem Anatomicam, quæ Tom. 2°. Biblioth. Anatom. DD. MANGET & LECLERC, pag. 633. habetur.

(d) Quod supra de arteriis dictum fuit, de venis quoque dicendum est.

(e) Cum dicimus venas eò capaciores esse quò propius cordi approximantur, non intelligimus venas majores, minoribus omnibus aliis venis etiam collectivè sumptis capaciores esse, quod quidem veritati repugnaret, sed unamquamque venam eò magis dilatari, quò cordi sit propior.

3
tertia musculoſa, quartaque membranacea obſervatur. Hæc tamen vaſa plurimis inter ſe numeris diſcrepant. 1°. Enim arteriarum tuni-
cæ, venarum tunicis craſſiores ſunt: 2°. in internâ venarum cavitate
frequentes occurrunt valvulæ, cum è contrâ nullæ in arteriis repe-
riantur, ſigmoïdeis exceptis, quæ ad cor potiùs quàm ad arterias per-
tinent: 3°. tandem venæ arteriis multò numeroſiores ſunt. Notan-
dum autem prædictam vaſorum ſanguiferorum ſtructuram, non niſi
in majoribus illorum truncis explorari poſſe, cum tanta ſit minimo-
rum ramorum tenuitas, ut illorum tunicæ arte nullâ à ſe invicem ſe-
parari valeant.

Ex dictis pronum eſt concludere, 1°. ſanguinem in arterias ac-
tione cordis impulſum ex ampliore (f) in anguſtiorum locum transi-
re, illasque adedò quâlibet cordis contractione dilatandas eſſe: 2°. arte-
riarum dilatationem motum eſſe merè paſſivum, quo ceſſante contrahi
debent, tum nativâ quâ gaudent elafiicitate, tum fibrarum ſuarum
muſcularium contractione: 3°. alterum illum arteriarum motum, ac-
tivum eſſe motum, quo ſanguis non ſecùs ac vi uniformiter accelera-
trice, in minimos arteriarum fines quolibet inſtanti protruditur,
amiſſamque repetitis affricibus velocitatem recuperat: 4°. tan-
dem maximam futuram eſſe ſanguinis in arteriis minoribus & ſenſim
ſine ſenſu decreſcentibus velocitatem, ſi vis quâ propellitur, inſini-
tis propemodum affricibus non infringatur. Contrarium in venis
accidit; cum enim ſanguis ex anguſtiore in amplius ſpatium agatur,
minimam actionem in illarum parietes exerit, adedòque nullas dilata-
tionis & contractionis vices parit, & illius velocitas quolibet inſ-
tanti minuitur, imò majoribus in venis nulla foret, niſi repetitis vi-
cinarum arteriarum ictibus, nec-non iteratâ muſculorum contractione
ſuſcitaretur. Ergo 1°. ſanguinis velocitas major eſt in arteriis quàm
in venis: 2°. majoribus in arteriis major eſt, minima verò in mino-
ribus & à corde remotioribus: 3°. tandem vix dijudicari poteſt quæ-
nam ſit ſanguinis in venis velocitas, cum à cauſis alienis abſolutè pen-
deat. Verùm ad diverſum illarum ſitum ratio eſt habenda: conſtat
enim ſanguinem in jugularibus v. g. citiùs quàm in cruralibus de-

(f) Mirum fortasſe quibuſdam videbitur nos aſſerere ſanguinem in arterias
actione cordis impulſum, ex ampliore in anguſtiorum locum transire, cum con-
ſtet ex Phyſiologicis, cujuſlibet arteriæ ramos collectivè ſumptos, illam capaci-
tate longè ſuperare. Verùm ſi attendatur vaſorum ſimilium capacitates eſſe in
ratione triplicatâ dimensionum homologarum, facile erit percipere ſanguinem
in arteriâ majore, aortâ, v. g. contentum, vix in ramis ab eâ ſecedentibus eſſe
continendum, licet omnium illorum diametrorum ſumma, ipſius diametro
major ſit.

ferri, cum hinc ultrò descendat, indè verò ab imis ad superiora; contra proprium pondus revolvatur. Præterea sanguinis velocitas, tum in venis, tum in arteriis diversa est, pro diversis Subjectorum temperie, ætate, sexu, animi affectibus, tempestatibus, &c.

LEVIOREM hæmorrhagiam solis ut plurimum naturæ viribus compesci, minimâ-ve arte coerceri docet experientia. Tantum abest ergo ne periculum ullum ægris inferat, ut è contrà sibimet ipsi commissa, plethoricis sæpiùs emolumento sit & inflammationem, dolorem ac febrem emoliat. Hæmorrhagia verò major & à vasorum majorum læsione pendens, periculum ægris facessit; eorum enim pulsus parvus fit & inæqualis; animo deindè linquuntur, nervorumque distensionibus corpiuntur, ac vitam cum morte brevi commutarent, nisi illis succurreretur. Majus autem vel minus urget discrimen pro discissionis naturâ & situ; si enim arteriosum sit vel interius situm, periculum instat acrius, & vice versâ. Cæterum ex ipsiusmet sanguinis naturâ faciliè dignosci potest è venis, an ex arteriis erumpat. Venosus enim sanguis niger est, obscurus, crassior, & jugiter profluit; arteriosus è contrà tenuis, fervens, spumofus, roseo fulget colore & saltuatim exilit, nec citra subitam virium dejectionem effunditur.

DIVERSA quoque est hæmorrhagiæ prognosis pro diversâ læsionis naturâ: sic v. g. sanguis ex arteriâ transversim & integrè dissectâ, minori velocitate & copiâ prorumpit, quàm si eadem in longum vel transversim nec tamen integrè discinderetur. Nec mirum; namque arteriæ integrè dissectæ extrema retrofliunt, vicinisque partibus sese occultantia, illarum mole comprimuntur & angustantur; deinde sanguine jugiter effluente circulares arteriæ fibræ contrahuntur, illiusque orificia penitus occludunt. Arteriâ è contrà in longum vel transversim nec tamen integrè dissectâ, muscularium fibrarum iteratâ contractione, apertura sensim sine sensu ampliatur, sanguisque impetu continuo erumpit, donec animo linquatur æger, vel vitam cum sanguine fundat. At si sanguis ex arteriâ majore, axillari, v. g. vel crurali effunderetur, fatior foret imperfecta vasis sectio: trunco enim in internâ discissionis vasis cavitatem formato, ægri vita, salvâ partium integritate servari posset, uti evenisse legimus ægro cujus in Institutionibus suis Chirurgicis mentionem facit, historiamque in actibus Academiae naturæ curiosorum tom. 2º. consignavit Heisterus. Quod si è contrà perfecta foret arteriæ sectio, æger ad sanitatem perducere non valeret, nisi dispendio partis sauciæ quæ vel gangrenâ corripere, vel succi nutritii defectu prorsus arefacta, contraheretur.

ETSI plurima sint media compescendis hæmorrhagiis idonea, ea tamen ad compressionem, adstringentia, perfectam arteriarum sectionem, ligaturam, cauteriaque tandem actualia & potentialia revocari possunt. Mutuas illorum utilitates & incommoda, methodo quâ in usum immitti debent prius expositâ, juvat expendere. Medium naturæ maximè accommodatum, compressio; sanguinis enim per vulnus erumpentis impetum, nativo quodam instinctu coërcere connitimur. Compressio linamentis carptis panniculif-ve lineis, spleniorum & fasciarum superpositarum ope, ut plurimum instituitur: ea quoque manu ipsâ vel instrumentis manûs vices gerentibus, quibusdam in circumstantiis celebratur. Talia sunt instrumentum in Institutionibus Chirurgicis Heisteri delineatum, celeberrimique Petit Torcular quod in Actib. Reg. Scienc. Acad. habetur. Quânam verò ratione compressio sistere valeat hæmorrhagias, res est facillimè explicanda. Dùm enim hujus ope, vasorum apertorum occluduntur extrema; stagnat sanguis in illis contentus, & diversas abit in partes; fluidioribus calore partis avolantibus, crassiores invicem agglomerantur, sibimet ipsis discissique vasis parietibus adhærent, & trumbum efformant, quo seu obturamento, continuus sanguinis impulsus retunditur. Trumbi illius figura diversa est pro diversâ læsionis naturâ. Cùm arteria causâ quâlibet pungente vel etiam secante saucia fuit, non verò integrè discissa, trumbus clavi, vel fungi figuram præ se fert, cujus stylus aperturâ vasis adactus reperitur, capitello exterius prominente. Cùm è contrâ arteria integrè fuit dissecta, trumbus conicam vel cylindricam formam, pro diversâ specie compressionis induit. Etenim compressio duplex est; directâ nempè & lateralis. Compressio directâ ea est quæ agit juxta vasis axim, lateralis eidem axi perpendicularis est, atque resecti vasis parietes sibimet apprimat. Posteriores illam compressionis speciem priori anteponendam esse nullus non videt: at quædam occurrunt circumstantiæ in quibus celebrari non potest, sic v. g. cùm ossæ sunt arteriæ, vel ductibus ossibus continentur. Hujusmodi prostant exempla in Act. Reg. Sc. Acad. ann. 1732.

COMPRESSIONEM solam, modo ritè instituatur, vividioribus sistendis hæmorrhagiis sufficere, celeberr. Petit observatio actibus Reg. Sc. Acad. consignata perspicuè demonstrat. Hanc ex illustri Wan-Swieten scriptis (g), utilitatis causâ transcribemus.

» Nobili Viro extirpatio cruris suprâ genu facta, & ligatura vasorum ex arte instituta fuerat: omnia ritè succedebant donec vige-

» *simo quarto post amputationem die, solutâ ligaturâ vasorum, æ-*
 » *gri imprudentiâ recrudesceret hæmorrhagia, quæ sistebatur feliciter*
 » *applicato vitrioli globulo ad orificium vasis aperti, & idoneâ liga-*
 » *turâ firmato. Sed post undecim dies deciduâ escharâ redibat*
 » *hæmorrhagia. Periculoso hoc in statu, sola videbatur superesse*
 » *compressio vasis ut servaretur æger; causticorum enim infidum usum*
 » *eventus docuerat: vasis retracti & brevioris redditi ligatura non*
 » *sine magnâ difficultate fieri poterat: applicatum celeberr. Petit*
 » *instrumentum compressorium, pulcherrimo successu hæmorrha-*
 » *giam compescuit, & integra sanatio tam periculosi vulneris secuta*
 » *fuit.* » *Nimia verò compressio maximis obnoxia est incommodis;*
vicinas enim sugillat partes, suppurationi obstat, doloremque, la-
biorum vulneris tumorem, febrem & insomnia procreat. Exemplo
fit observatio sequens, in Edimburgensium Medicorum actis ab il-
lustriss. Monro (h) divulgata. Brachium inferius juveni excisum fue-
rat, apparatusque de more applicatus. Primis post operationem mo-
mentis omnia rectè sese habebant; cum verò æger truncatum mem-
brum extenderet, illoque motu fascia nimis constringeretur, nimia
vulneris evadebat compressio. Interim vel teritiâ die nulla suppura-
tionis aderant indicia, & æger de dolore summo conquerebatur.
Fasciâ forcibus resectâ, vulnus pure copioso sequenti manè perfun-
debatur, nullique amplius urgebant dolores. Æger deindè convaluit.
Indè patet quàm cautè instituenda sit compressio. Notandum autem
illam majorem vel minorem esse, nec-non in majus vel minus spa-
tium protrahi debere pro diversis circumstantiis. Sic v. g. si arteria
major sit, cordi vicina, compressio-ve directâ in usum mittatur, illa
major sit necesse est, quàm si arteria minor foret, à corde remotior,
lateralis-ve compressio in usum mitteretur.

MEDICAMENTA quæcumque fluidas corporis partes cogunt;
& solidas ac molles contrahunt, Adstringentium nomine designantur.
Et si nomen illud solis stypticis conveniat, usu tamen invaluit ut Nar-
cotica seu Inebriantia, nec-non Absorbentia eâdem appellatione sig-
narentur. Tres illæ medicamentorum classes in hæmorrhagiæ cura-
tione veteribus multùm commendatæ, quibusdam recentioribus ad-
huc dùm laudantur. Illarum autem in eo consistit efficacia, quòd san-
guinem in trunbium cogant. Et quidem narcotica torporem vasis in-
ducunt, sanguinisque adeò motum retardant: vasorum parietes stypt-
ticis constringuntur, & sanguis in coagulum vertitur: absorbentium
tandem actione partibus serosis spoliatus exsiccat & indurefcit.
Narcotica quorum in hæmorrhagiis ab internâ quâlibet causâ pen-

dentibus nota est efficacia, vires nullas exerunt in iis quæ vulnera concomitantur, si vè interiùs exhibeantur, si vè exteriùs, topicorum modo, vasorum sanguinem fundentium orificiis applicentur. Etenim supposito etiam quoddam sufficientem torporem vasis inducere valerent, topicum sanguine copiosius affluente abriperetur, priùs vè fatisceret æger, quàm suos ederent effectus. Hinc est cur nullius ferè sint usûs in Chirurgicis.

STYPTICA in hæmorrhagiis majoribus compescendis; nullâ quoque virtute sese commendant: quædam tamen ab Autoribus etiam præstantissimis, laudibus efferuntur (i), qualia sunt Alcool vini, oleum therebentinæ, &c. Maxima est stypticorum veteribus commendatorum series: ex his autem parabantur pulveres stuppidi excipiendi, vasorumque discissorum parietibus apponendi, vel aquæ adstringentes, quibus splenia & linamenta carpta in eosdem usus imbuiebantur. Hæc verò medicamenta jamdudum obsoleverunt, nec immeritò, cum 1°. sanguinis impetum nequeant infringere; 2°. minorum vasorum orificia penitus occludant & obstant suppurationi; 3°. tandem nerveas partes ut plurimum pessimè afficiant.

ABSORBENTIA narcoticis & stypticis præferri nullâ ex parte merentur. Præterquàm quod enim vividioribus sistendis hæmorrhagiis non sufficiant, crustam lentam ac argillaceam vulneribus superinducunt, quâ suppuratio multum minuitur, vel etiam integrè supprimitur. At verò quælibet hujus-ce classis medicamenta rejici non debent: quædam prædictis vacant incommodis & tantâ pollent efficacità, ut ab omnibus ferè Chirurgis in usum mittantur. Talia sunt crepitus lupi, & imprimis fungus quercinus qui ante annum millesimum septingentesimum quinquagesimum ignotus (k) aut saltem inusitatus remanserat. Porosa (l) atque insipida illorum substantia, vasorum discissorum extremis apposita, serosas sanguinis partes attrahit & suscipit, undè fit ut crassiores in trumbum coeant, & orificia sanguinem fundentia penitus occludant. Fortasse etiam serosis sanguinis partibus imbuta, spongiarumque modo dilatata, vasa quibus applicatur arctiùs comprimit & angustat. Quæ de crepitu lupi habet Sen-

(i) Heister Inst. Chirurg. Platner. Inst. Chirurg. § 410.

(k) Verisimile est fungum quercinum, ante ann. 1750 quibusdam innotuisse. Consul. ea quæ super hanc rem annotavit illustr. D. Louis in A& Reg. Chirurg. Academ. Tom. 2°. pag. 394.

(l) Adstringentem fungi quercini virtutem ad hunc modum explicavit illustrissim. D. MORAND. Vid. A& Reg. Chir. Acad. Tom. 2°. pag. 220.

nertus (m), opinionem nostram confirmant. . . » Imprimis verò
 « utilissimus est, inquit, si filo prius constringatur & onere imposito
 » vel torculari in se comprimatur & cogatur. Ita enim postea ubi
 » vulnere imponitur, sese dilatat iterum, & orificium vulneris ob-
 » ruit. » Fungus quercinus eadem quoque ratione parari debet quā
 crepitus lupi, id est, repetitis mallei ictibus fingi & emolliri. Tota
 autem illius substantia virtute adstrictoriā non pollet, solaque valet
 pars mollior, corticem inter & lignum media. Prædicti medica-
 menti usus, neque molestus est neque operosus: sufficit enim ut illius
 frustulum à parte cortici aversâ discissi vasis orificio applicetur, al-
 teroque deindè frustulo majore superposito, nec-non idoneo appa-
 ratu contineatur. Interim sanguinis effluxus torculari, digitis-ve juxta
 vasa majora dispositis compescendus est.

QUANTACUMQUE sit fungi quercini efficacia, illud tamen
 medicamentum successu quandoque caret, uti sequenti comprobatur
 exemplo: Viro cuidam robustiori crus amputabatur, & sanguinis
 effluxus fungo quercino compescebatur illicò: paucis verò post ope-
 rationem momentis hæmorrhagia bis recrudescibat, & novā fungi
 adstringentis applicatione bis coercebatur, donec tertiā vice vaso-
 rum ligaturā ritè institutā prorsus sisteretur. Equidem æger vegetus
 adhuc erat & robustus. At verò nonne indè cum illust. D. Louis
 concludere (n) liceret, fungum quercinum cujus efficacia sexcentis
 comprobatur exemplis, quibusdam in circumstantiis infidum esse posse,
 atque præsertim cum ægri robustiores sunt & adhucdum valentiores.

ARTERIAM integrè discissam retrofilire, vicinas inter partes
 sese recondere, & illarum mole sic comprimi & angustari diximus,
 ut hæmorrhagia sibi met ipsi commissa, hoc in casu spontè compesci
 valeat. Indè facillè cognoscitur in quo perfectæ arteriarum sectionis
 consistat efficacia. Operatio illa celebrari non debet quin arteria
 aperta minor sit, vel à corde remotior: si enim è contrā major
 foret, aut cordi nimis vicina, sanguis copiosius effunderetur,
 & æger in majus periculum induceretur. Perfecta arteriarum sectio
 singularem prudentiam & cautelam supponit: at non ita quidem de
 vasorum ligaturā quæ in omnibus ferè circumstantiis cum optato suc-
 cessu instituitur. Hæc est autem illius operationis norma: acus in-
 curva, præacuta, duplici acie à lateribus instructa, filoque multi-
 plici & cerato armata, medium per vulnus subter vas discissum ita de-

(m) Libr. V. Part. IV. Cap. XV. de Hæmorrhagiâ vulnerum.

(n) Vid. Act. Reg. Chirurg. Acad. pag. 395.

mittitur, ut illius semi circumferentiam complectatur: deinde eâdem acu intra carnes secundâ vice immiffâ, altera comprehenditur vasis semicircumferentia; tùm nodo simplici vel composito vas adstringitur. Chirurgi omnes vasorum ligaturam ad hunc fere modum perficiunt: in eo tantùm inter se discrepant, quòd quidam vicinas cum arteriâ carnes comprehendendas esse, quidam verò solam vinciendam esse arteriam contendunt. Posterioris hujusce methodi fautores arguunt 1°. vasa plurimis inclusa carnibus satis adstringi non posse; 2°. partium nervearum & tendineo-membranacearum ligaturam, dolorem & convulsiones procreare; 3°. ligaturâ comprehensas carnes lentè admodum, nec citra maximam substantiæ jacturam separari. Hæc verò quamcumque veri speciem præ se ferant, facillimè solvuntur. 1°. enim vasa plurimis etiam carnibus involuta satis adstringi posse docet experientia: 2°. causa convulsionum quæ amputationibus superveniunt adhucdum ignota est, nec constat illas à nervorum ligaturâ pendere. Legi super hanc rem merentur ea quæ Scharpius (o) habet in libro cui titulus, *Recherches critiques sur l'état présent de la Chirurgie*; 3°. denique partium ligaturâ comprehensarum separatio fiet ocius & minorem substantiæ jacturam pariet, si paucae cum arteriâ carnes vinciantur. Aliundè quid vetat ne ligatura post debitum tempus forcibus refecetur? Methodus quâ sola vasa filo constringuntur, multò majori incommodo obnoxia est, namque erosio vasorum tunicis hæmorrhagia sæpè recurrit, eò difficilius compescenda, quod vasa breviora evadant.

QUAMQUAM præstantiores Chirurgi primàs huic methodo tribuant, altera tamen suos quoque fautores agnoscit. Pareus ipse qui vasorum ligaturam membrorum rescisioni primus accommodare ausus est, illam suis in operibus ubique commendat, cap. 7°. lib. 1°. de vulnere. ait: « si sanguis continuò effundatur, arteria discissa cum carnibus vicinis acu comprehendere debet & vinciri; & cap. 24°. Lib. de contusis ambustis & sphacelo affectis, nihil pertimescendum esse dicit, si partes quædam cum arteriâ vinciendâ volsellis protrahantur. Neminem latet illum in deligandis vasis acu non semper usum fuisse: sæpius enim vasorum extrema volsellis educebat, illaque filo circumducto vincebat. Eâ verò deficiente, ad aliam omninò diversam confugiebat: quippè acu quadrangulâ, præacutâ, quatuor pollices longâ filoque multiplici armatâ, cutim suprâ vulnus perfodiebat, eamque per carnes juxtâ arteriam demittebat, donec infrâ illius orificium per vulnus educi posset; acu deinde in ipsum vulnus immiffâ, illam per mediam cutem, ex alterâ vasis parte protrahebat, comprehensasque

cum arteriâ carnes vicinas plus minùsve constringebat. Porro vasorum ligatura, quâcumque ratione celebretur, hæmorrhagias eodem modo compefcit ac compressio lateralis; scilicet dùm illius actione figura conica vasorum extremis imprimitur, crassiores sanguinis partes in ejusdem figuræ trumbum coeunt. Autor recens (p) salubres ligaturæ effectus, vicinarum partium intumescentiæ & indurationi non minùs, quàm trumbo prædicto tribuendos esse censet. Illam verò partium ligaturæ vicinarum intumescentiâ & indurationem non semel observavit; eaque jamdudùm ab illust. Monro (q) notata fuerat.

Cauteria actualia vel potentialia sunt. Actualia dicuntur ea quæ ignem actu continent, v. g. prunæ, ferrum candens, olea ebullientia, &c. quæ è contrà, licet ignem actu non contineant, solidas tamen quibus applicantur partes eâdem ratione destruunt, ac si ferro candente comburerentur, potentialia nuncupari solent. Talia sunt spiritus nitri, vitrioli, salis, ærugo, butirum antimonii, &c. utraque cauteriorum species vasa constringit, & sanguinem in illis contentum in densam nec amplius resolvendam massam comburit. Indè pendet eorum in hæmorrhagiis sistendis efficacia. Maximus fuit olim cauteriorum usus; cùm verò plurimis obnoxia sint incommodis, vix amplius adhibentur. Quænam autem ea sint ex illustrissimi Wan-Swieten (r) scriptis habeamus. » Difficile est, inquit, requisitum caloris gradum ferro ignito conciliare; si nimis candescat, sæpè simul aufertur illud quod combustum est; si non satis caleat, non sistitur hæmorrhagia. Præterea dolorem ingentem, inflammationem validam, & quæ indè sequi possunt mala, cauteria faciunt, & omne illud quod combustum fuit debet postea suppuratione factâ recedere à partibus vivis & separari, undè maximum periculum est ne deciduâ escharâ redeat post paucos dies hæmorrhagia, quæ tunc difficilius compefci poterit, quàm in initio: vas enim combustum escharâ deciduâ brevius erit, hinc non poterit, vel saltem difficilius apprehendi; undè hæc crudelis cauterii applicatio deberet repeti, superfluite semper æquali periculo, ne recrudefcat hæmorrhagia, postquam & hæc de novo eschara deciderit. Cauteria potentialia, iisdem quoque incommodis obnoxia sunt: præterea omnia hæc cùm acerrima sint, vicinas partes nerveas vel tendineas sæpè pessimè irritant, & gravissima symptomata inducunt.

(p) D. Pouteau Nosocom. Lugdunens. Chirurg. prim. in dissertatione quam cum Academ. Regiâ Chirurg. communicavit anno 1754.

(q) Videant. Act. Medicor. Edimburgensium, Tom. 4^o. pag. 405.

(r) Tom. 1^o. pag. 313. & 314.

